

CENTRALNA BANKA
BOSNE I HERCEGOVINE
Broj: 150-15-4-2446-8/18 SR
Sarajevo, 25.10. 2018. godine

Na osnovu člana 69. stav (2) tačka d), člana 70. stav (4) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke robe – voda u galonima za potrebe Centralne banke Bosne i Hercegovine – Glavne jedinice Sarajevo (LOT 2), putem konkurentskog zahtjeva za dostavu ponuda

Član 1.

Ovom odlukom poništava se postupak javne nabavke robe – vode u galonima za potrebe Centralne banke Bosne i Hercegovine – Glavne jedinice Sarajevo (LOT 2), putem konkurentskog zahtjeva za dostavu ponuda, procijenjene vrijednosti u iznosu od 2.880,00 KM (slovima: dvijehiljadeosamstotinaosamdeset konvertibilnih maraka i 00/100), iz razloga što nijedna od primljenih ponuda nije prihvatljiva.

Član 2.

Za realizaciju ove odluke zadužuju se Odjeljenje za javne nabavke, Centralna banka Bosne i Hercegovine – Glavna jedinica Sarajevo i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne i Hercegovine, www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke robe – vode u galonima za potrebe Centralne banke Bosne i Hercegovine – Glavne jedinice Sarajevo (LOT 2), putem konkurentskog zahtjeva za dostavu ponuda, pokrenut je Odlukom o pokretanju postupka, broj: 150-15-4-2246-2/18 SR od 29. septembra 2018. godine. U skladu s tim, Centralna banka je 03. oktobra 2018. godine na portalu Javnih nabavki objavila

Obavještenje o nabavci broj: 1370-7-1-507-3-167/18, te je istovremeno sa objavom obavještenja o nabavci uputila obavijest da je postupak nabavke objavljen, na sljedeće adrese:

1. Atal group d.o.o. Sarajevo
2. Nevra d.o.o. Kreševo
3. Vivia office & home d.o.o. Banja Luka
4. Bihaćka pivara d.d.
5. Aqua tim d.o.o. Laktaši
6. Corto d.o.o. Sarajevo

U tenderskoj dokumentaciji je bio određen rok za prijem ponuda 16. oktobar 2018. godine do 10.00 sati. U predviđenom krajnjem roku za dostavljanje ponuda, pristigle su ukupno 3 ponude i to:

1. AQUA TIM DISTRIBUCIJA d.o.o. Laktaši, za LOT 1, 2 i 3
2. Vivia office & home d.o.o. Banja Luka, za LOT 1, 2 i 3 i
3. CORTO d.o.o. Sarajevo, za LOT 1, 2 i 3.

Uvidom u pristigle ponude, nadležna Komisija konstatovala je sljedeće:

a) AQUA TIM DISTRIBUCIJA d.o.o. Laktaši:

- ponuđač nije dostavio dokaz o uspješnoj realizaciji ugovora koji za predmet ima isporuku galonske vode, na način kako je to traženo tenderskom dokumentacijom. Ponuđač je dostavio kopije zaključenih ugovora sa svojim klijentima i kartice konta, što je sa aspekta Zakona o javnim nabavkama nedovoljno za dokazivanje uspješne realizacije ugovora, te je komisija jednoglasno zaključila da se ovi dokazi ne mogu uzeti u obzir. Potvrde o uspješnoj realizaciji ugovora koje izdaje druga ugovorna strana, sa traženim podacima kako je zahtijevano tenderskom dokumentacijom, nisu dostavljene;
- Rješenje koje izdaje Agencija za sigurnost hrane dostavljeno je kao obična neovjerena kopija, dok je tenderskom dokumentacijom zahtijevano da dokumentacija kojom ponuđač dokazuje tehničku i profesionalnu sposobnost mora biti dostavljena u originalu ili ovjerenom kopiji;
- Ponuđač u obrascu za cijenu ponude (Prilog II) za LOT 3, nije naveo trgovački naziv vode, te komisija smatra da je ponuđač dostavio nepotpun obrazac za LOT 3;
- Ponuđač nije u potpunosti popunio Nacrt okvirnih sporazuma za LOT 1, LOT 2 i LOT 3 podacima iz svoje ponude (nisu upisane cijene za svaki LOT).
U skladu s navedenim nadležna Komisija ocijenila je da ovaj ponuđač ne ispunjava uslove u pogledu tehničke i profesionalne sposobnosti i sadržaja dostavljene ponude

b) VIVIA office & home d.o.o. Banja Luka:

Rješenje koje izdaje Agencija za sigurnost hrane izdato je 19.08.2013. godine i u istom je navedeno da Rješenje vrijedi 5 (pet) godina od dana njegovog donošenja, čime je utvrđeno da pomenuti dokaz više nije na snazi. Tenderskom dokumentacijom jasno je zahtijevano da konkretna voda koju ponuđač nudi u svojoj ponudi mora biti uvrštena na Popis priznatih prirodnih mineralnih voda i prirodnih izvorskih voda u Bosni Hercegovini ("Službeni glasnik BiH", broj 72/17 od 06.10.2017. godine). S tim u vezi voda mora biti na popisu iz 2017. godine koji je objavljen u pomenutom broju Službenog glasnika kako je navedeno u tenderskoj dokumentaciji a samim tim i Rješenje koje dostavlja ponuđač mora biti trenutno važeće i izdato u 2017. godini. U skladu s navedenim nadležna Komisija ocijenila je da ovaj ponuđač ne ispunjava uslove u pogledu tehničke i profesionalne sposobnosti.

c) CORTO d.o.o. Sarajevo

Rješenje koje izdaje Agencija za sigurnost hrane dostavljeno je kao obična neovjerena kopija, dok je tenderskom dokumentacijom zahtijevano da dokumentacija kojom ponuđač dokazuje tehničku i profesionalnu sposobnost mora biti dostavljena u originalu ili ovjerenj kopiji. U skladu s navedenim nadležna Komisija ocijenila je da ovaj ponuđač ne ispunjava uslove u pogledu tehničke i profesionalne sposobnosti.

Shodno navedenom, a u skladu sa članom 69. stav (2) tačka d), nadležna Komisija je dala preporuku da se postupak za nabavku robe – vode u galonima za potrebe Centralne banke Bosne i Hercegovine – Glavna jedinica Sarajevo (LOT 2) poništi iz razloga što nijedna od primljenih ponuda nije prihvatljiva.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 5 (pet) dana od dana prijema ove odluke.

GUVERNER
dr. Senad Softić



Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima Komisije
- Odjeljenju za računovodstvo i finansije (original)
- Odjeljenju za zajedničke poslove
- Odjeljenju za javne nabavke (original)
- Odjeljenju za ljudske resurse
- u spis predmeta (original)
- arhiva